



Na osnovu Odluke Vlade Kantona Sarajevo br. 02-04-51323-19/22 i Ugovora o strateškom partnerstvu Ministarstva privrede Kantona Sarajevo i Bosna Bank International d.d. Sarajevo, objavljuje se:

JAVNI POZIV

poslovnim subjektima sa područja Kantona Sarajevo za besplatno učešće na

12. Međunarodnoj investicijsko-poslovnoj konferenciji "Sarajevo Business Forum 2023 i

3. Međunarodnom sajmu halal-industrije Sarajevo Halal Fair 2023

1. PREDMET POZIVA:

Predmet ovog Javnog poziva je prikupljanje prijave poslovnih subjekata za **BESPLATNO UČEŠĆE/BESPLATNE KOTIZACIJE SARAJEVO BUSINESS FORUM FULL PASS** na:

12. Međunarodnoj investicijskoj konferenciji Sarajevo Business Forum (SBF) 2023 i

3. Međunarodnom sajmu halal-industrije Sarajevo Halal Fair (SHF) 2023, koji se održavaju u periodu od 17.05. - 19.05.2023. godine u Sarajevu (Hotel Hills Ilidža).

Besplatno učešće na 12. Sarajevo Business Forumu 2023 i 3. Sarajevo Halal Fair-u 2023, koje obuhvata SBF FULL PASS kotizacije* odnosno:

- Besplatnu registraciju i učešće na Forumu i Sajmu za predstavnike kompanija sa područja Kantona Sarajevo – po jedan (1) predstavnik po kompaniji, za maksimalno 230 učesnika;
- Ministarstvo privrede Kantona Sarajevo, kao Strateški partner Forumu i Sajmu, će putem ovog Javnog poziva odabrati i predložiti do 230 poslovnih subjekata za učešće na Forumu i Sajmu.

***SBF FULL PASS** kotizacija podrazumijeva: pristup svim sadržajima Forumu i Sajmu (uključujući prisustvo na svečanom otvorenju Forumu/Sajmu, oficijelnim programima Forumu/Sajmu, prezentacijama, B2B sastancima i ostalom programskom sadržaju Forumu/Sajmu*)

2. PRAVO UČEŠĆA:

Pravo učešća po ovom Javnom pozivu imaju poslovni subjekti koji:

- su registrovani i imaju sjedište u Kantonu Sarajevo;
- posluju u okviru strateških grana/djelatnosti: Poljoprivreda i prehrambena industrija, Šumarstvo i drvna industrija – proizvodnja namještaja, Metaloprerađivačka industrija – proizvodnja metala i proizvodnja gotovih metalnih proizvoda, Automobilska industrija, ITK sektor, Turizam, Farmaceutska industrija, Obrazovanje, Zdravstvena zaštita i socijalna skrb, Vodoopskrba, tretman otpadnih voda i upravljanje otpadom, Građevinarstvo, Sport, Kultura i dr.
- imaju izmirene obaveze za poreze i doprinose zaključno sa 31.12.2022. godine;
- protiv odgovornog lica se ne vodi krivični postupak i nije osuđivano za kaznena djela i prekršaj u posljednjih pet godina.

Prioritet u ostvarenju prava na besplatno učešće imaju sve proizvodne, a posebno izvozno orijentisane djelatnosti, te oni poslovni subjekti koji imaju konkretan projekat za zajedničko ulaganje.

Poslovni subjekti koji se bave proizvodnjom i prometom alkohola, duhana i organizacijom igara na sreću NEMAJU pravo učešća na 12. SBF/3. SHF 2023 po ovom Pozivu.

3. KRITERIJI ZA ODABIR UČESNIKA:

Osnovni kriteriji za odabir učesnika po ovom Javnom pozivu su:

- Broj zaposlenih (do 49 radnika = 10 bodova, 50 - 249 radnika = 20 bodova, 250 i više = 30 bodova)
- Izmirene obaveze za poreze i doprinose zaključno sa 31.12.2022. godine;
- Izmireni indirektni porezi zaključno sa 31.12.2022. godine

Odobrena kvota od 230 učesnika je planirano da se raspodjeli na sljedeći način: 150 učesnika za SBF, 80 učesnika za SHF.

Ukoliko ne bude dovoljno prijava, Ministarstvo privrede Kantona Sarajevo zadržava pravo da odobrenu kvotu popuni vlastitim izborom poslovnih subjekata. Ukoliko bude prijavljeno više kompanija koje ispunjavaju uslove propisane ovim Javnim pozivom, prednost će imati prijave koje su zaprimljene na Protokol Kantona Sarajevo do momenta ispunjenja predviđene kvote.

4. POTREBNA DOKUMENTACIJA ZA PRIJAVU PRIVREDNIH SUBJEKATA:

- Zahtjev za besplatno učešće na 12. SBF/3. SHF 2023;
- Izjava ovlaštenog lica za zastupanje podnosioca prijave ovjerena od nadležnog organa (općina ili notar), a kojom izjavom pod punom moralnom, materijalnom i krivičnom odgovornošću ovo lice potvrđuje da nema dospjelih, a neizmirenih obaveza po osnovu javnih prihoda (direktnih i indirektnih poreza i doprinosa na dan 31.12.2022. godine);
- Kopija obrasca "POSEBNI PODACI O PLAĆAMA I BROJU ZAPOSLENIH uz godišnji obračun od 01.2022-31.12.2022" iz seta finansijskih izvještaja ili ekvivalent dokument koji prikazuje broj zaposlenih na dan 31.12.2022. godine
- Izjava ovlaštenog lica za zastupanje podnosioca prijave ovjerena od nadležnog organa (općina/notar), a kojom izjavom pod punom moralnom, materijalnom i krivičnom odgovornošću odgovorno lice/ovlašteno lice za zastupanje potvrđuje da se protiv njega ne vodi krivični postupak, kao i da nije osuđivan za kaznena djela i prekršaj;
- Projekat za investitore ili partnere (opcionarno).

5. ROKOVI I NAČIN PODNOŠENJA PRIJAVE:

Potrebnu dokumentaciju za prijavu privrednih subjekata za besplatno učešće na 12. Sarajevo Business Forumu i 3. Sarajevo Halal Fair 2023 potrebno je dostaviti na Protokol Kantona Sarajevo ili putem pošte na adresu:

Ministarstvo privrede Kantona Sarajevo

Reisa Džemaludina Čauševića br. 1

71 000 Sarajevo

sa naznakom:

"Prijava za 12. Sarajevo Business Forum i Prijava za 3. Sarajevo Halal Sajem"

Ovaj Javni poziv objavljuje se dana 12.04.2023. godine na službenim web stranicama Ministarstva privrede Kantona Sarajevo (<http://mp.ks.gov.ba>), Bosna Bank International (<https://bbi.ba>), Sarajevo Business Forum (<https://sarajevobusinessforum.com>), Sarajevo Halal Fair (<https://sarajevohalalfair.com>).

Krajnji rok za prijavu po ovom Javnom pozivu je srijeda, 26.04.2023. godine.

Ministarstvo privrede Kantona Sarajevo i Bosna Bank International d.d. Sarajevo će sve kompletne i blagovremeno dostavljene zahtjeve sa pratećom dokumentacijom evaluirati na osnovu kriterija i konačnu listu odobrenih besplatnih učesnika objaviti na web stranicama: <http://mp.ks.gov.ba>, <https://bbi.ba>; <https://sarajevobusinessforum.com>, <https://sarajevohalalfair.com>.

6. IZBOR KORISNIKA I PRAVNA ZAŠTITA:

Uslovi za izbor korisnika po ovom Javnom pozivu:

- Pregled prijava i dokumentacije, te ocjenu o ispunjavanju uslova vršit će Komisija imenovana rješenjem Ministarstva privrede Kantona Sarajevo.
- Ministarstvo privrede Kantona Sarajevo objavljuje Listu privrednih subjekata koji su izabrani po Javnom pozivu, kao i Listu privrednih subjekata koji nisu izabrani, a iste objavljuje na web stranici Ministarstva privrede Kantona Sarajevo: <http://mp.ks.gov.ba>.
- Poslovni subjekt koji smatra da je njegovo pravo povrijeđeno u postupku izbora može uložiti prigovor Ministarstvu privrede Kantona Sarajevo, u roku od 5 (pet) dana od dana objave listi.
- Prigovori se rješavaju najkasnije u roku od 7 (sedam) dana od dana zaprimanja prigovora.
- Liste poslovnih subjekata po riješenim prigovorima objavit će se na web stranici Ministarstva privrede Kantona Sarajevo: <http://mp.ks.gov.ba>.

7. DODATNE INFORMACIJE:

Sve informacije o 12. Međunarodnoj investicijskoj konferenciji Sarajevo Business Forum (SBF) 2023 dostupne su na web platformi sarajevobusinessforum.com i 3. Međunarodnom sajmu halal-industrije Sarajevo Halal Faira (SHF) 2023 sarajevohalalfair.com.

Dodatne informacije u vezi ovog Javnog poziva zainteresovani privredni subjekti mogu dobiti u Ministarstvu privrede Kantona Sarajevo na e-mail: prijavesbf@mpks.gov.ba ili pozivom na broj telefona: **033/562-159**.

**ZAHTJEV ZA PRIJAVU NA JAVNI POZIV
poslovnim subjektima sa područja Kantona Sarajevo za besplatno učešće na**

	Međunarodnoj investicijsko-poslovnoj konferenciji SARAJEVO BUSINESS FORUM 2023
	Međunarodnom sajmu halal – industrije SARAJEVO HALAL FAIR 2023

Napomena: Obavezno staviti oznaku "X" u kućicu sa događajem na koji se prijavljuje

I – Opći podaci o podnosiocu Zahtjeva

Naziv poslovnog subjekta	
Identifikacijski broj (ID broj)	
Mjesto, ulica i općina sjedišta po rješenju o registraciji	
Šifra osnovne djelatnosti po KD 2010	
Naziv osnovne djelatnosti	
Broj radnika na dan 31.12.2022. godine	
Ime odgovorne osobe	
Kontakt telefon i e-mail	

II – Izjave

1. Pod punom moralnom, materijalnom i krivičnom odgovornošću izjavljujem da su podaci navedeni u ovom Zahtjevu istiniti i tačni.
2. Pod punom moralnom, materijalnom i krivičnom odgovornošću izjavljujem da nema dospjelih, a neizmirenih obaveza po osnovu javnih prihoda (direktnih i indirektnih poreza i doprinosa) na dan 31.12.2022. godine.
3. Pod punom moralnom, materijalnom i krivičnom odgovornošću izjavljujem da se protiv mene ne vodi krivični postupak, kao i da nisam osuđivan za kaznena djela i privredni prekršaj.
4. Saglasan sam da se svi podaci iz ovog Zahtjeva obrade i provjere sa evidencijom Porezne uprave Federacije Bosne i Hercegovine kao i sa Upravom za indirektno oporezivanje.
5. Saglasan sam da se i drugi podaci provjere kod nadležnih organa a koji se odnose na provjeru poslovanja poslovnog subjekta i odgovornih osoba za zastupanje za potrebe ovog Javnog poziva.

Mjesto i datum: _____

M.P.

Podnosilac zahtjeva

_____, ime i prezime

(potpis ovlaštene/odgovorne osobe iz Rješenja o registraciji)

Popunjiva službena osoba:

Podnosilac ovog Zahtjeva ispunjava uslove (zaokružiti): DA ili NE

Potpis: _____